

## 唯識二十論講義二(2014/07)

### 一、立宗之意〔唯識二十論述記，經過整理〕

安立大乘三界唯識，即立宗也，凡有三意。

- 一、安立大乘之中唯識之教，諸宗不信佛所說故。
- 二、安立大乘中所說三界唯識理，諸宗說有心外境故。
- 三、安立諸大乘教及唯識理。

### 二、安立〔唯識二十論述記，經過整理〕

- 一、成立義。
- 二、施設義。
- 三、開演義。
- 四、安者可也，教理相稱。立者建也，法性離言，今言名立，順理所以稱安。
- 五、陳那釋云：能立能破總名安立；謂能立自大乘唯識，能破於他餘宗有境，故名安立。

### 三、大乘〔雜集論，經過整理〕

雜集論卷11：由與七種大性相應故名大乘。何等名為七種大性？

- 一、境大性：以菩薩道緣百千等無量諸經，廣大教法為境界故。
- 二、行大性：正行一切自利利他廣大行故。
- 三、智大性：了知廣大補特伽羅、法無我故。
- 四、精進大性：於三大劫阿僧企耶〔阿僧祇、無數〕，方便勤修無量百千難行行故。
- 五、方便善巧大性：不住生死及涅槃故。
- 六、證得大性：證得如來諸力、無畏、不共佛法等無量無數大功德故。
- 七、業大性：窮生死際示現一切成菩提等，建立廣大諸佛事故。

### 四、三界

界：能持自相義；種族義。

欲界：有欲界欲眾生所屬界。

色界：有色界欲眾生所屬界。色是質礙義。

無色界：有無色界欲眾生所屬界。

### 五、以有三德故今安立唯識〔唯識二十論述記，經過整理〕

言唯識者，瞿波師說，以有三德故今安立。

一、本有德：本性淨故，意說識性。

二、中有德：即依唯識，修行萬行，三劫能斷皮肉膚等所有龐重。

三、未有德：即至佛位，福智圓明，難遇獨出。

### 六、依三性說唯識〔唯識二十論述記，經過整理〕

依三性說明諸法唯識：徧計所執性是「虛妄唯識」，依他起性是「因緣唯識」，圓成實性是「真實唯識」。

### 七、契經

契：合也；契理契機義。經：線也；貫穿攝化義。

### 八、華嚴經與十地經論的教證

一、大方廣佛華嚴經〔六十華嚴〕第二十五卷

第六現前地：『三界虛妄，但是心作。』

二、十地經論第八卷第六現前地

經曰：『三界虛妄，但是一心作。』

論曰：『但是一心作者，一切三界唯心轉故。』

### 九、無性菩薩解釋為何經說三界唯心〔唯識二十論述記，經過整理〕

無性釋云：此唯識言，成立唯有諸心心所，無有三界橫計所緣。此言不遣真如所緣，依他所緣；謂道諦攝根本後得二種所緣，由彼不為愛所執故，非所治故，非迷亂故，非三界攝；亦不離識故不待說。既由三界能緣之中有能徧計，所緣之中有所徧計，有漏聚中，有橫計故；為遮此執，但說唯心，非無漏法，非唯識也。

## 十、其餘經典證成三界唯識

問：唯有爾所經為證耶？答：更有餘。

解深密說唯識所現；

解深密經卷第三

『慈氏菩薩復白佛言：世尊！諸毘鉢舍那三摩地所行影像，彼與此心當言有異當言無異？佛告慈氏菩薩曰：善男子！當言無異。何以故？由彼影像唯是識故。善男子！我說識所緣唯識所現故。世尊！若彼所行影像即與此心無有異者，云何此心還見此心？善男子！此中無有少法能見少法，然即此心如是生時，即有如是影像顯現。善男子！如依善瑩清淨鏡面，以質為緣還見本質，而謂我今見於影像，及謂離質別有所行影像顯現。如是此心生時相似有異，三摩地所行影像顯現。』

又說諸法皆不離心；

唐譯大乘入楞伽經卷第二

『諸法體如是，唯自心境界，內心能證知。而諸凡夫等，無明所覆障，虛妄心分別，而不能覺知。』

『心所見無有。唯依心故起。』

宋譯楞伽阿跋多羅寶經卷第三

『妄想習氣轉，有種種心生，境界於外現，是世俗心量。外現而非有，心見彼種種。』

又說有情隨心垢淨；

維摩詰所說經：

『如佛所說，心垢故眾生垢，心淨故眾生淨。』

『若菩薩欲得淨土，當淨其心；隨其心淨，則佛土淨。』

又說成就四智，菩薩能隨悟入唯識無境；

攝大乘論本卷中〔阿毘達磨大乘經〕

『如世尊言：若諸菩薩成就四法，能隨悟入一切唯識都無有義。

一者成就相違識相智：如餓鬼傍生及諸天人同於一事，見彼所識有差別故。

二者成就無所緣識現可得智：如過去未來夢影緣中有所得故。

三者成就應離功用無顛倒智：如有義中，能緣義識應無顛倒，不由功用智真實故。

四者成就三種勝智隨轉妙智：何等為三？

一、得心自在一切菩薩，得靜慮者，隨勝解力諸義顯現。

二、得奢摩他修法觀者，纔作意時諸義顯現。〔王恩洋註：非唯文字，事義現故〕

三、已得無分別智者，無分別智現在前時，一切諸義皆不顯現。

由此所說三種勝智隨轉妙智及前所說三種因緣，諸義無義道理成就。』

乃至廣說，如攝大乘第四卷中及成唯識第七卷說。

又花嚴經第九卷云：『心如工畫師，畫種種五陰，一切世界中，無法而不造。如心佛亦爾，如佛眾生然，心佛及眾生，是三無差別。』